

東

塾

集

國史儒林傳采進稿

陳澧字蘭甫廣東番禺人

自幼聰慧

九歲能爲詩文

行狀

年十七

督學翁心存考取縣學生員明年錄科第一同時諸名士皆出

其下命入粵秀書院肄業山長陳鍾麟賞譽之與桂文耀楊榮

緒爲友復問詩學於張維屏問經學於侯康年二十二舉優行

二十三中舉人六應會試不第大挑二等選授河源縣學訓導

兩月告歸揀選知縣到班不願出仕請京官銜得國子監學錄

自述同治乙丑

詔沿海各省繪地圖兩廣總督瑞麟廣東巡撫郭嵩燾屬任其

事成廣東圖以進

行狀

爲學海堂學長數十年至老爲菊坡精舍

山長

自述

以經史及漢魏六朝唐宋詩文教士

菊坡精舍記

與諸生講

論文藝勉以篤行立品聽者恆數十人十餘年如一日

行狀

士人

出其門者率知束身修行成就甚眾保舉少好爲詩及長棄去

泛濫羣籍

自述

凡天文地理樂律算術古文駢文填詞篆隸眞行

書無不研究

集中與人書

中年讀朱子書讀諸經注疏子史日有課

程尤好讀孟子以爲孟子所謂性善者人性皆有善荀楊輩皆
未知也讀鄭氏諸經注以爲鄭氏有宗主復有不同中正無弊
勝於許氏異義何氏墨守之學魏晉以後天下大亂聖人之道
不絕惟鄭學是賴讀後漢書以爲學漢儒之學尤當學漢儒之
行讀朱子書以爲

國朝考據之學源出朱子不可反詆朱子又以爲

國朝考據之學盛矣猶有未備者宜補苴之著聲律通考十卷
謂古音十二宮自有轉調今俗樂仍存七調然古律尺度具在
可考歷代樂聲高下晉十二笛可倣而製唐鹿鳴關雎士二詩

可按而歌而古樂不墜於地又著切韻考六卷外篇一卷謂孫叔然陸法言之學存於廣韻宜明其法而不惑於沙門之說又著漢志水道圖說七卷謂地理之學當自水道始知漢水道則可考漢郡縣又著漢儒通義七卷謂漢儒言義理無異於宋儒宋儒輕蔑漢儒者非也近儒尊漢儒而不講義理亦非也其餘有說文聲表十七卷水經注提綱四十卷水經注西南諸水考三卷三統術詳說三卷弧三角平視法一卷琴律譜一卷文集若干卷

自述。水經注西南諸水考據遺書增入

水道聲律二書大學士曾國藩服

其精博

求關齋日記

象州鄭獻甫歎爲有用之書

集中與人所考切韻

南海鄒伯奇稱爲絕妙之作超越前人

事實

所考水經注諸水

江南汪士鐸亦惜未之見

汪氏水經注圖附錄原作南海陳蘭隅蓋傳聞之誤

其著述傾

倒一時如此邵陽魏源著海國圖志初成中有可議者澧嘗著

論辨之後源至粵見而大悅遂定交焉并改其書寶應劉寶楠
著論語正義未成而卒命其子恭冕成之并言當就正於澧後
郵寄至粵致書道意深以未識面爲憾事實張維屏長澧三十
歲引爲忘年交嘗贈以詩推崇備至見松心詩錄咸豐初有奏請開
鴻博科者時澧會試報罷將出都侍郎翁心存畱之曰吾當具
疏特薦子後部議格不行事遂寢其爲海內引重又如此事實
光緒七年兩廣總督張樹聲廣東巡撫裕寬以耆年碩德奏請
褒異奉

旨恩賞五品卿銜以爲績學敦品者勸邸鈔八年正月卒年七十

三自述澧才旣淹通行又醇摯松心詩錄好與學者談論值寇亂夷

亂家計不給晏如也自述生平讀書心有所得卽手錄之行積數

百冊集中與漢學宋學能會其通松心詩錄晚年所著書曰東塾讀

書記

自述

乃尋求微言大義及經學源流正變得失所在而論贊

之外及九流諸子兩漢以後學術嘗曰吾之書但論學術非無意於天下事也以爲政治由於人才人才由於學術吾之意專

明學術幸而傳於天下此其效在數十年後故於論語之四科

學記之小成大成孟子之取狂狷惡鄉原言之尤詳則意之所

在也

集中與人書

其書刻成者得十五卷又稿本十卷名曰東塾雜

俎則其子及門人所編錄

自述附識

其教人不自立說嘗取顧炎武

論學之語而申之謂博學於文當先習一藝韓詩外傳曰好一

則博多好則雜也非博也讀經史子集四部書皆學也而當以

經爲主尤當以行己有恥爲主

菊坡精舍記

故英偉之士多出其門

自述此

上諭所謂學行純篤足以矜式士民者歟

邸鈔

其卒也門人請於

大吏視其主於菊坡精舍蓋誨人不倦宜有去思云

菊坡精舍章程

東塾集目錄

卷一

黑水說

禹貢道水次第說

校毛傳也字說

戈戟圖說

喪服說

喪服鄭注衣衾裁布圖說

孔子合葬於防說

諸侯大夫齋服說

深衣說

明堂圖說一

明堂圖說二

春秋日有食之說

周髀北極璿璣四游說

黃鍾之宮說

律呂正義陽律陰呂二均十四聲說

說長白山

廣州音說

書字說

說佛

卷二

精氣爲物解

中庸仁者人也解

皮弁素積解

亥有二首六身解

論語北辰解

門屏之間謂之宁解

大射所在考

月令考

牂牁江考

釋食

辨焦里堂釋月

科場議一

科場議二

科場議三

推廣拔貢議

講書議

書天官書後

書漢書地理志後

書劉公是爲兄後議後

書僞韓文公與大顛書後

書朱竹垞孔子門人考後

書紀文達公沈氏四聲考後

書海國圖志後呈張南山先生

書章雲軒古郡縣圖後

先府君所讀資治通鑑書後

傳鑑堂記

離經辨志齋記

菊坡精舍記

重修蘿峯書院記

止齋記

觀佛書偶記

記師說二

觀定武蘭亭序私記

記地圖三本

馮氏三墓記

卷三

贈王玉農序

送巡撫郭公入都序

送劉學使序

送蔣薌泉撫軍序

送韓螺山舍人序

送黎召民序

送蘊玉仲赴順天鄉試序

送高寄泉序

送馮鐵華序

送吳子登太史序

鄭氏全書序

南海鄒氏重刻道鄉集序

胡金竹先生鴻榜堂集序

禮記質疑序

穀梁禮證序

柳賓叔穀梁大義述序

樊昆吾先生論語注商序

蘇父山墨子刊誤序

太上感應篇序

鄒特夫學計一得序

格術補序

鄒特夫地圖序

等韻通序

漢西域圖考序

說文聲表序

新刻說文解字附通檢序

廣元遺山年譜序

鄭小谷補學軒文集序

唐宋歌詞新譜序

虞子馨遺文序

麥務耘醫書序

地里說約序

何昆玉印譜序

聽松廬詩略序

荔灣話別圖序

徐達夫先生試律詩序

溫伊初時文序

招太沖詩文遺稿序

吳子序閣讀尚綱廬詩集序

蔡樹百詩集序

李恢垣文集序

李恢垣詩集序

馮鐵華鈍齋詩存序

二知軒詩鈔序

拙園詩選序

沈侍郎集序

席月山房詞序

梁氏族譜序

陳範川先生詩集後序

卷四

跋文選南宋贛州本

跋羣經音辨

跋歐陽文忠公集

跋音論

武功縣志跋

顧亭林手鈔曲江集湛甘泉邱瓊山兩序跋

跋望溪集

謝里甫師畫跋

重刻琅邪臺秦篆拓本跋

再跋琅邪臺秦篆新刻本

跋絳帖李斯書

逐啟謨鼎銘跋

跋敦煌長史武班碑

跋劉韜墓志

端州石室記跋

惠山聽松二字跋

與周孟貽書

與人論祝壽書

上巡撫郭公書

復鄭小谷書

復王倬甫書

與楊浦舟書

與黃理厓書

復戴子高書

復劉叔俛書

與陳懿叔書

與潘聘之書

復張雁皋書

復黃芑香書

復曹葛民書

復胡伯薊同生兄弟書

與胡伯薊書

與馮鐵華書

與趙子韶書六首

與黎震伯書

與王峻之書五首

復王峻之書五首

示沈生

卷五

五品卿銜刑部主事鄭君傳

張磬泉先生傳

江南道監察御史梁君傳

贈知府銜福建武平縣知縣陳君傳

江西餘干縣知縣史君傳

梁南溟傳

二侯傳

胡孝子傳

醫者萬德華傳

先祖考布政司理問銜尚志府君家傳

先考知縣府君事略

先妣劉宜人事略

書尉先生

書孟蒲生

書章鳳翰妻李氏

崇雅樓銘

千仞菴銘

千仞菴珍藏硯銘五首

止齋銘

法帖櫝銘

團扇日晷銘

拱北樓時辰香簪

新修廣東山川神廟碑

代

重修三大忠祠碑

體仁閣大學士 贈太保翁文端公神道碑銘

江南淮海兵備道桂君墓碑銘

張南山先生墓碑銘

張寶嶠墓碑銘

誥贈光祿大夫建威將軍張公神道碑銘

記名提督廣西右江鎮總兵官張公神道碑銘

誥封光祿大夫四川岳池縣知縣何公神道碑銘

卷六

浙江湖州府知府楊君墓碑銘

誥贈光祿大夫候選知州馮君神道碑銘

誥授資政大夫江蘇蘇松太兵備道馮君神道碑銘

護理廣東肇羅道瓊州府知府王君墓碑銘

廣東補用知府潘君墓碑銘

廣東升用同知開平縣知縣冒君墓碑銘

贈中議大夫四會縣生員吳君墓碑銘

亡姊湯宜人墓碑銘

南海縣知縣胡君墓表

山陰汪君墓表

議叙知縣陳君墓表

徐夫人謝氏墓表

韶州府學教授譚君墓碣銘

豆村梁君墓碣銘

子韶墓碣銘

國子監學正銜黃君墓碣銘

廣州府學生員徐君墓碣銘

許青臬墓碣銘

廣州協候補外委周君墓碣銘

黎母洪氏墓碣銘

胡伯薊墓碣銘

長子宗誼墓碣銘

女雅壙志

黃鴻達哀詞

祭溫伊初文

祭侯君模文

亡兒期年祭文

女律遣奠文

祭江甯布政使祁公文

代

祭湖北布政使梁公文

代

大凡文六卷二百二十篇京卿師陳蘭甫先生所作也同治戊辰庚午閒廷相讀書先生塾中承命編輯文集錄呈函丈後有所作依次編入壬午春先生捐館遺藁待梓人事牽阻忽忽十年今檢錄校刊一遵手定先生學術大旨詳所著讀書記及漢儒通義而樂律音韻天算水地亦具有專書此集所錄特其緒餘然扶世立教類皆不刊之語顧亭林有言凡文無

關於經術政理之大者則不作也讀斯集者當有會
焉校讎者同門鄭君權梁君起楊君繼芬汪君鼎鈞
及先生之子宗侃宗穎從孫慶修也光緒十八年歲
在壬辰十二月門人廖廷相謹識

東塾集卷一

番禺陳澧撰

黑水說

禹貢黑水昔人之說不一嘗綜諸說而考之則以爲今潞江者是也潞江上源曰哈喇烏蘇蒙古謂黑曰哈喇謂水曰烏蘇水道提綱言其水色深黑其爲黑水明矣哈喇烏蘇源出西藏喀薩北境東流至喀木乃屈南流蓋卽禹貢雍梁二州之界三危當在其地自喀木南流爲禹貢梁州西界至雲南曰潞江又南出雲南徼外入南海以今證古無疑義矣說者以雍州黑水與梁州黑水爲二水然雍州經文云三危既宅則道水云至于三危者在雍州境而雍州不近南海其入于南海必過梁州不能分爲二也禹貢以山水明九州之界青徐同一岱荊豫同一荆

青徐揚同一海徐揚同一淮兗豫雍同一河且雍州不但曰河

而曰西河以明在冀州西界若雍梁各一黑水豈得漫無分別

其爲二州同一黑水明矣

又有謂道黑水非雍非梁而分爲三者尤不足辯

胡肅明謂

潞江源在河源之東黑水不能越河而接爲一川胡氏當國

初時所據者明人地圖於徼外之地多不確不知潞江源出河

源之西也雍州黑水卽潞江之源非別有一水與潞江接其過

梁州尤不必越河也或以雍州之境太廣爲疑亦不必疑也九

州之境大小不同雍州東至西河西至弱水較兗徐二州之廣

幾及三倍不必以黑水而疑其太廣也

雍州界至喀木則河源在雍州境內經言導河

積石昔人以爲河源不始於積石則河源爲禹蹟所不及不得

在雍州境也謂今阿木你馬勒產母孫大雪山以西至星宿海

羣山圍繞皆禹貢所謂積石河所過禹蹟所及至也

梁州南境則非直至南海故梁州經

文不言河也又漢書地理志不志黑水

益州郡滇池縣下云有黑水祠蓋漢時黑

水不在中國故立鄭注禹貢云今中國無也考漢志越巂郡青
蛉僕水爲今瀾滄江漢地至此而止又西則徼外地漢志僕水爲今瀾滄
江僕水所入之勞水爲今越南國洮江其入僕之貪水爲今
漾備江卽水爲今巴景河詳見禮所著地理志水道圖說
江在瀾滄江之西所行皆漢徼外地故班志不載而鄭注以爲
中國無也黑水爲潞江得班志鄭注而益明矣班鄭不言黑水所在是蓋闕之
義若通典云年代久遠遂至湮沒則非也梁州西境皆山與沙
土平曠之地不同水流何能湮沒若湮沒則必自雍州西流至
咸沙而沒矣然當其未沒則必並流沙而西南繞出哈喇烏蘇
上源之西過前藏西境後藏東境乃能入于南海梁州西界必
不至此也凡考地理者於邊徼之地必得國朝康熙乾隆內
府地圖而始明國朝輿地之廣大地圖之精確非漢唐以後
所及也

禹貢道水次第說

禹貢道水先記不入東海之水次記入東海之水又次記入河
之水三者之中又先西而後東先北而後南弱水黑水最在九

州之西不入東海弱水又在黑水之北故先弱水而黑水次之入東海之水河源最在西故河次之江漢之源竝在河源東南江又在漢南故漢次之江又次之濟源在江漢源之東北故濟又次之淮源在濟源東南故淮又次之渭洛入河渭在西洛在東故渭次之洛又次之也

校毛傳也字說

毛傳連以一字訓一字者惟於最後一訓用也字其上雖索至數十字竝不用也字此傳例也而今本有不盡然者尋今本也字不合傳例之處其下皆有鄭箋此由後人因箋綴傳下傳無也字則文勢不斷故增也字以隔絕之不然毛豈逆知某處鄭當有箋而用也字預爲隔絕乎凡此等也字皆當刪之蓋也字之有無無關大義以傳例如此當得其真耳

何彼穠矣傳穠穠穠和乎正也

解和下有箋而和下無也字此增加之未盡者膠木傳繁旋也
成就也繁旋下無箋而亦增也字則以上文候安將大下皆因
有箋而增也字遂相連增之矣

戈戟圖說

考工記之戈戟程易田通藝錄初定之圖得之矣其後定之圖
以戈爲戟以記文強合鄭注以鄭注強合己意則三思而反惑
也鄭注云戈今句孑戟戟今三鋒戟此二者鄭君目驗當時之
形制乃以當時之句孑戟當古之戈以當時之三鋒戟當古之
戟然鄭所謂句孑戟實記之戟也所謂三鋒戟則記所無也金
輔之禮箋所繪戟圖不合於記之戟乃鄭所謂三鋒戟也今依
記文及注之各爲之圖讀者當瞭然矣

記曰戈廣二寸內倍之

四寸也

胡三之

六寸也

援四之

八寸也

已倨則

不人已句則不決長內則折前短內則不疾是故倨句外博重

内

援

胡
外
内
援

胡


已
倨

已句


長內則折前

此及下圖與第一圖
同但長內則內耳

短內則不疾




又曰戟廣寸有半寸內三之四寸半也胡四之六寸半也援五之七寸半也
倨句中矩與刺重三鎰



鄭注曰戈今句才戟也或謂之鷄鳴或謂之擁頸內謂胡以內
 接秘者也長四寸胡六寸援八寸鄭司農云援直刃也胡其才
 又曰戈句兵也主於胡也已倨謂胡微直而邪多也以啄人則
 不入已句謂胡曲多也以啄人則創不決胡之曲直鋒本必橫

而取圓於磬折前謂援也內長則援短援短則曲於磬折曲於磬折則引之與胡並鉤內短則援長援長則倨於磬折倨於磬折則引之不疾又曰博廣也倨之外胡之裏也句之外胡之表也廣其本以除四病而使用也俗謂之曼胡似此



戍短

内長

句之外
胡之表

胡
曲
聚
磨
折

指長

内短


保之如
胡之表

屈於
榮折

胡微
而邪多

...

又曰戟今三鋒戟也門人四寸半其長六寸援長七寸半三鋒者胡直中知言也鄭司農云戟謂援也元謂刺名其端直前如鐔者也戟胡橫貫之胡中矩則援之外句磬折與



喪服說

喪服之大限三期也功也總也其三年者期之加隆焉者也其大功小功者功之分焉者也上治下治皆至三而止旁治則有人功有小功至四而止也三年問曰至親以期斷所謂至親者何也喪服傳曰父子一體也夫妻一體也兄弟一體也此所謂至親也子於父至親本以期斷其服三年者加隆也父本以期斷則祖父當服功其服期者傳曰何以期也至尊也則亦加隆者也曾祖當期總而服齊衰三月加隆其服不加月數也父於子至親本以期斷而爲長子三年亦加隆也爲眾子則仍以期斷也子以期斷則孫當服功而爲適孫服期者亦加隆也爲庶孫仍服功也曾孫本當服總此則無加隆而嫡庶無異矣此上治下治皆以三爲限故服上至曾祖下至曾孫而無高祖元孫

之服也若夫旁治者則分功服爲大功小功至四而止昆弟至親以期斷不加隆也由是旁殺故從父昆弟大功從祖昆弟小功族昆弟總也父至親本以期斷加隆乃三年世父叔父本當服大功以其與尊者一體喪服傳文加隆而服期也從祖父小功族父總則不加隆也祖父本當服功加隆故服期從祖祖父小功族祖父總亦不加隆也曾祖父加隆齊衰而本當服總族曾祖父可以無服然齊衰旁殺而遂無服不可也故服總也子服期昆弟之子當服大功而服期者傳曰報之也以彼加隆於我我不可不加隆於彼也然本當服大功故從父昆弟之子小功從祖昆弟之子總也孫服大功故昆弟之孫小功然則從父昆弟之孫當服總而無服者曾孫總故昆弟之曾孫無服也其間參差不齊者有二焉昆弟之曾孫無服而族曾祖父有服族祖父

有服而從父昆弟之孫無服故學者疑焉余竊推求禮意而知族曾祖父本可無服其有服者以曾祖齊衰而非總故也從父昆弟之孫亦可有服其無服者以昆弟之曾孫無服故也此其參差不齊之故也其所以旁治限以四而上下治則限以三者旁治之人必相見而上見高祖下見元孫者少也後世於上治增高祖之服下治增元孫之服又於旁治因族曾祖父有服而增昆弟之曾孫之服又因族祖父有服而增從父昆弟之孫之服使無參差不齊然而非禮意矣上治下治之三限旁治之四限程易田已得其解而參差不齊之二事則易田未解故說此以明之

喪服鄭注衣衾裁布圖說

喪服記衾二尺有五寸鄭注上正一尺燕尾一尺五寸凡用布

三尺五寸疏云取布三尺五寸廣一幅畱上一尺爲正一尺之下從一畔旁入六寸乃向下斜向下一畔一尺五寸去下畔亦六寸橫斷之畱下一尺爲正如是則用布三尺五寸得兩條衽衽各二尺五寸澧按如疏說則兩條衽燕尾皆在左不可用若欲其一在右則必反屈之使背向外而後可矣且前下銳似燕尾後下齊不似燕尾澧以爲布三尺五寸廣一幅中分爲二其一從左畔距上一尺處斜裁至右畔距下一尺處其一從右畔距上一尺處斜裁至左畔距下一尺處凡四條分置前後則燕尾在左者二在右者二且前後皆銳如燕尾矣輒爲圖以明之并如疏說爲圖而指其誤焉

今定裁布圖




後左

前左

前右

後右

賈疏裁布圖



後左

前左

燕尾在左

下齊不
似燕尾

此不可
爲後右

此不可
爲前右

燕尾亦在左

孔子合葬於防說

檀弓孔子少孤不知其墓殯於五父之衢人之見之者皆以爲葬也其慎也蓋殯也問於聊曼父之母然後得合葬於防鄭注破慎爲引江慎修鄉黨圖考以爲無義理而稱高郵孫遂人之說謂不知其墓殯於五父之衢十字當連讀爲句蓋殯也問於聊曼父之母兩句爲倒句以爲孔子父淺葬於五父之衢因少孤不得其詳至是欲合葬於防惟以父墓淺深爲疑不敢輕啟後乃知其果爲殯由問於聊曼父之母能道其詳是以信其言啟殯而合葬案此說讀慎如字是也其倒句文勢不順且殯不得謂之墓其連讀尤非也禮謂孔子父葬於防云不知其墓者非不知父墓在防但不知墓地耳正義曰謂不委曲適知柩之所在不是全不知墓之去處是也及母卒旣殯於家

鄭注以爲不殯於家

非至當葬之時乃啟殯而出復殯於五父之衢故見者皆以爲葬也孔子以將來當遷母柩合葬於父墓故審慎不敢深葬但淺殯而已及問於聊曼父之母知父墓地然後遷柩合葬也當時情事了然可見記文亦明白無疑義不必破字尤不必牽連顛倒而讀之也

諸侯大夫齋服說

玉藻元冠丹組纓諸侯之齋冠也但言冠不言服大夫齋服更無明文玉藻正義稱熊氏皇氏並謂諸侯以下皆以元端齋同士禮司服士齋服有元端素端禮謂大夫以元端齋當是也諸侯則不然文

王世子若內豎言疾則世子親齋元而養注齋元元冠元端任氏大椿弁服釋例以此傳合玉藻諸侯元冠之文謂諸侯言齋元冠亦元端與世子同任氏謂文王世子孔疏引玉藻元冠丹

冠蒸組纓士之氏舉其一而遺不知又王世子注之元冠元端正上

之齋服郊特牲云天子士也子齋服同於士諸侯

不得同於士也王齋服衮冕見旅賁氏注不應諸侯齋服直降至元

端而諸侯以下乃無等差也且諸侯燕居服元端玉藻大夫退然後適小寢

釋服注釋豈得以燕居之服為齋服乎然則諸侯齋服蓋元冠

朝服歟何以明之大夫士齋服元端與視私朝同玉藻朝元端注謂大夫士

也正義曰以視則諸侯齋服亦當與視朝同玉藻諸侯朝服以

日視朝於內朝則齋亦必朝服矣且元冠元端為士祭服饋食

禮及筮日主人冠端元夙與主人服如初大夫則為齋服以此推之元冠朝服為大

夫祭服少牢饋食禮主人朝服即位于阼階諸侯則為齋服也其大夫齋服元端

澧以為然者諸侯朝服大夫降一等則元端玉藻注云四命以

上齋祭異冠是大夫三命不異冠祭服元冠朝服齋服元冠元

端士則齋祭皆元冠元端冠服並同矣

深衣說

深衣曰制十有二幅此通衣裳數之也衣中二幅袂二幅凡四幅裳中正幅二兩旁斜裁之幅各一爲四幅合前後凡八幅通衣裳數之則爲十有二幅也裳左前後縫合而右有鉤邊一幅以其在內不見故不數之也衣前之右別有外襟一幅然自後觀之則不見自前觀之則又掩去內幅故亦不數之也深衣云要縫半下玉藻云深衣三袪縫齊倍要鄭注云袪尺二寸圍之爲二尺四寸三之七尺二寸紵下齊倍要中齊丈四尺四寸按布幅廣二尺二寸衣中二幅裳中二幅每一幅皆削兩邊而縫之每一邊去二寸得一尺八寸二幅得三尺六寸兩旁斜裁之幅其上銳其下廣終幅亦削而縫之每一邊各去二寸二幅亦

得三尺六寸合小二幅爲七尺二寸通前後爲丈四尺四寸也
布幅每邊削之之去二寸似所去稍多但衣之下際必與裳
之上際同廣孔但言裳幅邊去一寸而不言衣幅若衣幅亦
但每邊去一寸則二幅四尺四寸去四邊四寸餘四尺較裳上
際三尺六寸多四寸不可縫合矣然則如疏說衣幅每邊亦必
去二寸也至江慎修深衣圖則竟繪
衣下際闊於裳上際不成制度矣 鄭注以十有二幅專數裳
不數衣云裳六幅幅分之以爲上下之殺殆非也鄭欲求上下
之殺遂以爲幅幅皆斜裁既六幅皆裁則裳已有十二幅故不
數衣耳然如此則奇衰不正江慎修深衣考誤駁之誠是也至
江氏之說謂裳旁始用斜裁是也謂當裳之前後正處以布四
幅正裁爲八幅則非也夫布之所以裁者不得不裁者也豈有
甫裁之而仍卽縫合之者乎十二幅所以應十二月者因其自
然也豈有不必裁而強裁之以應十二月者乎古人必不如是
之迂也皆由不知十有二幅通衣裳言之耳至鄭注誠誤然其

言裳六幅幅分之則謂六幅每幅皆分裁甚明正義曰每幅交解爲二其解鄭注固不誤又玉藻云衽當旁鄭注云衽謂裳幅所交裂也凡衽有或殺而下或殺而上衽屬衣則垂而放之屬裳則縫之以合前後正義曰裳幅下廣尺二寸上闊六寸交裂一幅而爲之引呈氏云言凡衽非一之辭或殺而下謂喪服之衽或殺而上謂深衣之衽尤得鄭意乃江氏以鄭注強合己說而謂幅幅斜裁爲疏家之說則誣矣然江氏雖誤解鄭注而解經則較鄭注爲長余以裳中二幅不裁亦由江氏之說推知之耳

明堂圖說

明堂之制見禮記月令曰太廟者四曰个者八曰太廟太室者一見考工記周五室見大戴禮盛德曰上圓下方其度見考工

記曰度九筵之庭東西九筵南北七筵凡室二筵說者大都以
四太廟八五室皆在九筵七筵之內其制度太狹廣與袤又
不稱阮太始辨其誤江徵君聲孔檢討廣森與太傅並以九
筵七筵爲一面之度舉一面以該三面於是九筵七筵之義始
明其三家不同者孔氏謂九筵爲九仞之誤據五經異義隋書宇文愷傳引
明堂月令又謂中室方九仞與考工記云凡室二筵不合其說較江
阮二家爲短阮氏圖个與太廟同深四太廟八个之中央地方
九筵中爲大室四隅爲四室而虛其四正江氏圖太廟之左右
前爲个後爲至四大廟之後卽太室又較阮氏圖爲密然猶有
未合者每一出太廟與两个合九筵而其後當三室僅六筵江
氏圖五室離止遂使廟个後隅皆空缺而不能掩且四隅室在
四太廟序外六室壁與序之間有如隘巷又室牖爲序所蔽不

能納明則牖亦爲無用此由未明考工記室二筵之義也禮謂
室二筵者其地本方三筵四壁皆厚半筵室中方二筵也記云
室中度以几鄭注云室中舉謂四壁之內卽其義也記不云室
中二筵者猶九筵七筵不必云堂上也云二筵不云若干几者
與上文九筵七筵連文也其度去聲則二筵而度人聲之則以几不
以筵耳築土爲壁上承重屋非半筵之厚不勝其任且古一尺
當今六寸許二筵僅當今一丈許若復去四壁其中太狹不足
行禮二筵不計四壁明矣并四壁則方三筵三室則九筵與一
面之廟个同廣也由此計之太室并四壁方三筵四太廟各深
七筵則堂基廣皆十七筵也太廟深七筵兩旁室个與太廟
同深室并四壁三筵則个深四筵也東南西南西北東北每
兩個之間餘地四筵不在堂基之內堂基爲亞字形八隅立

柱以承圓屋也盛德所云上圓者圓屋也下方者堂基亞形八
隅也或曰江氏據通典引盛德隋書宇文愷傳引黃圖及蔡邕
明堂月令論言堂方百四十四尺法坤之策屋圓徑二百一十
六尺法乾之策以爲兩面各七筵加太室二筵共十六筵適得
百四十四尺堂基正方其東南西南西北東北每兩個間餘地
謂之坵今謂堂基亞形則非正方謂堂基廣袤各十七筵爲一
百五十三尺則非法坤之策以九筵八十一尺爲句十七筵一
百五十三尺爲股求得弦一百七十三尺有奇爲堂基亞形之
斜徑南堂左隅至北堂左隅南堂右隅至北堂右隅其上覆圓
東堂左隅至西堂左隅東堂右隅至西堂右隅屋之徑必不能較堂之斜徑多至四十二尺有奇以成二百一
十六尺則非法乾之策然則盛德黃圖明堂月令論非歟曰通
典所引盛德今本大戴禮無之其文與宇文愷所引黃圖同而

禮不云大戴禮

禮引盛德篇明堂者古有之也云云則稱大戴禮

竊疑此非盛德篇文

通典誤也且盛德有蒿爲宮柱之說頗近荒誕本不可盡信至

如黃圖云太室方六丈明堂月令論云太廟明堂方三十六丈

通典引其說與考工記斷不能合其云法乾坤之策傳會易義

不足據也如其說屋圓徑二百一十六尺較堂方一百四十四

尺多七十二尺半之得二十六尺爲每面屋檐出於堂基外之

數屋檐之深如此堂柱安能承之

江氏以堂基方一百四十四尺用句股求弦法得弦二百

三尺六寸爲堂基斜徑以圓屋徑二百一十六尺較之多十二

尺四寸半之六尺二寸爲屋檐出於堂隅之數然但計四隅而

不計四正疏矣江氏以爲柱立堂下然柱豈有立於堂下者又其增四


隅以成方基引爾雅郭注坊在堂隅爲證然堂隅者堂之隅也

江氏所增在八个之外則是在堂外不得謂之堂隅且九筵之


堂三分之太廟兩個各廣三筵而所謂坊者乃方三筵有半反

廣於廟个必不然矣阮氏曰四堂基無四隅足正江氏之誤也江氏之誤旣明而明堂制度疑義盡析其餘若室四戶戶二牖重檐九階四門應門見盛德及明堂位者本無疑義爰因江阮二家之說而補苴之擬爲明堂之圖俟考古之君子論定焉

明堂圖一




明堂圖二




圖

圖



阮氏明堂三圖



九丈八尺一

北

南

北

南

北

南

九丈八尺一

九丈八尺一

九丈八尺一



圖


圖

于經个之寬無明文

六丈三尺

六丈三尺





明堂圖說一

禮既據考工記月令爲明堂圖說復讀汪容甫明堂通釋以月令爲呂氏書古未有此制而譏宋人爲考工月令之調人蓋以考工記言堂言五室而不言四太廟八个月令言太廟太室而不言五室未可合爲一也禮謂考工月令正相發明蓋室方二筵五室平列則廣十筵與堂廣九筵參差不合

汪氏以五室平列堂後阮太傅

已駁之

而亦不能以四室蔽太室四面其爲太室居中四室居四

隅無疑義也四隅有室必四面有堂故考工記但言五室而四面之堂不待言而明也四室旣在四隅則四面之堂皆中深而

左右淺故左右別名爲个考工記但言五室則四堂皆三分太

廟與左右个亦不待言而明也

明堂一面正與路寢同制明堂之太廟猶路寢之堂明堂之左

个右个猶路寢之東堂兩堂明堂之太室猶路寢之室明堂每一面之二隅室猶路寢之夾室明堂左右个不與太廟同深猶

路寢東堂西堂
不與堂同深

月令但言太室使無四隅之室則惟四太廟有

後壁而八个竟無後壁矣其有四隅之室又不待言而明也考
工記月令脗合如此信考工記安得不信月令耶汪氏又以聖
人南面而聽天下天子之居不得四時易位然明堂位夷蠻戎
狄之國在四門外使明堂惟南面一堂則在東門西門北門之
外者或朝堂背或朝堂側矣來朝者不必盡北面則天子不必
恆南面可知也月令不可信明堂位亦不可信耶呂氏著書雖
不盡述周制而周制亦往往而在況其與考工記明堂位皆相
發明安得而不信哉

春秋日有食之說

隱公三年春王二月己巳日有食之穀梁以爲食晦日疏引徐
邈云己巳爲二月晦則三月不得有庚戌也則此己巳正月晦

所以一月者蓋交會之止必主於朔今雖未朔而後著之此月所以正其本體謂此說甚善由此知聖人明於厯數蓋未修之春秋必書正月晦孔子修之改書二月也孔子既以日食必主於朔則固知日食由於月掩日矣然不能使人盡知之故但書曰日有食之耳穀梁傳云其不言食之者何也知其不可知知也豈月之食日不可知哉亦論語所謂民不可使知之耳

周髀北極璿璣四游說

周髀所謂北極者北極五星也所謂北極樞者不動處也所謂北極璿璣者北極五星中之一大星也戴東原以北極璿璣爲黃道極非也周髀欲測北極樞一節乃測不動處之法以近極大星環繞成規而折中取之也正極之所游一節乃定東西南北之法測望大星東西所極以正東西而中折之以正南北也

厯象考成測句陳大星以定北極及南北真綫卽此法此在周髀本文甚明趙君卿注亦甚明若如戴氏說以爲黃極黃極乃虛位不可見何由測其周四極乎周髀云希望北極中大星黃極中豈有大星乎戴氏云古者冬夏致日故周髀之文但舉二至則二分可知又錯舉冬至卯酉則一晝夜必周四游咸可知禮謂東游西游二至在卯酉夏至日永卯酉不見星冬至日短卯酉見星故東游西游皆不得舉夏至而必舉冬至也南游冬至在午不見星故不得舉夏至也南游春分在酉秋分在卯北游春分在卯秋分在酉二分卯時星已沒酉時星甫見故南游并不得舉二分而必舉夏至北游亦不得舉二分而必舉冬至也春分夜半可見東游秋分夜半可見西游然欲於一夜中測定不動處及東西南

北綫不得於春分一測直待秋分再測故東游西游亦不得登

二分也周髀之文一字不可易非錯舉也

戴氏又引姚信昕天論以說黃極按昕天

論云冬至極低而天運近南故日去人遠而斗去人近信之意以為日麗於赤道日之發故出天有低有起冬則天低故斗近而赤道遠夏則天高故斗遠而赤道近也然天若冬低夏起則冬至地平上星當少於二分夏至地平上星當多於二分矣其說本不通而其文則明白無疑義戴氏以其所謂極低者為黃道極低在赤道極之下所謂極起者為黃道極起在赤道極之上若如此說何以黃極低在赤極下時則斗去人近黃極起在赤極上時則斗去人遠乎且信之意以為日麗赤道是並不知有黃道而謂其知有黃極豈其然乎

黃鍾之宮說

呂氏春秋適音篇云黃鍾之宮聲之本也清濁之衷也古樂篇

云黃鍾之宮長三寸九分江慎修律呂闡微據此謂宮聲居中

是不清不濁之聲是也然黃鍾之宮所以居清濁之中者則未

發明也禮謂黃鍾之宮長三寸九分者黃鍾半律也

江氏謂三寸九分為

四寸五分由此而遞濁則有應鍾至大呂十一聲由此而遞清

則有大呂半律至應鍾半律十一聲故黃鍾半律居清濁之中

也謂之黃鍾之宮者以此爲宮聲卽今所謂上字也

江氏謂宮聲爲今之

尤誤以黃鍾半律爲宮聲其清於宮聲者太簇半律爲商姑洗

半律爲角其濁於宮聲者南呂爲羽林鍾爲徵故宮聲居中也

以今俗字譜言之黃鍾之宮卽上字清於上字者尺字工字濁

於上字者四字合字若更進而清則林鍾半律爲徵卽今六字

南呂半律爲羽卽今五字更降而濁則姑洗爲角卽今低工字

太簇爲商卽今低尺字今俗樂最高者五字最低者低尺字

高工

用低上尤不用而上字爲不高不低之聲與黃鍾之宮居清濁

之中正相合也蓋必以十二律與十二半律通而言之然後黃

鍾之宮長三寸九分者得爲清濁之中否則三寸九分比十二

律爲最短其聲比十二律爲最清安得爲清濁之中乎

律呂正義陽律陰呂二均十四聲說

或問曰子爲聲律通考所考古書則詳矣

國朝律呂正義陽律從陽陰呂從陰各成一均其法若何曰倍半相應三分損益弭音則然管音則否 律呂正義謂呂氏春秋三寸九分之管聲中黃鍾之宮者乃半太簇合黃鍾之義此誠千古未發之蘊也夫黃鍾之管截其半而吹之其聲與黃鍾不相應稍短而爲太簇管之半乃與黃鍾相應由是黃鍾之管三分損一下生林鍾亦當稍短故謂之夷則夷則之管三分益一上生夾鍾當稍長

下生者當稍短故上生者當稍長

故謂之太簇太簇之管三分損一下生南呂當稍短故謂之無射無射之管三分益一上生仲呂當稍長故謂之姑洗姑洗之管三分損一下生應鍾

當稍短故謂之半黃鍾半黃鍾之管三分益一上生林鍾當稍長故謂之蕤賓是爲陽律一均七聲也大呂之管三分損一下生夷則當稍短故謂之南呂南呂之管三分益一上生姑洗當稍長故謂之夾鍾夾鍾之管三分損一下生無射當稍短故謂之應鍾應鍾之管三分益一上生蕤賓當稍長故謂之仲呂仲呂之管三分損一下生半黃鍾當稍短故謂之半大呂半大呂之管三分益一上生夷則當稍長故謂之林鍾是爲陰呂一均七聲也皆以竹管之長短名之也是故黃鍾所生者名曰夷則之管其聲卽古之林鍾也至其所生者則仍爲太簇矣太簇所生者名曰無射之管其聲卽古之南呂也至其所生者則仍爲姑洗矣姑洗所生者名曰半黃鍾之管其聲卽古之應鍾也至其所生者則仍爲蕤賓矣大呂所生者名曰南呂之管其聲卽

古之夷則也至其所生者則仍爲夾鍾矣夾鍾所生者名曰應鍾之管其聲卽古之無射也至其所生者則仍爲仲呂矣仲呂所生者名曰大呂之管其聲卽古之半黃鍾也至其所生者則仍爲林鍾矣律呂正義之法爲千古所未有而古法亦在其

中今謹爲表於左覽者可以瞭如指掌矣

黃鍾生夷則

卽古之林鍾聲

夷則生太簇

卽古之林鍾生太簇

太簇生無射

卽古之南呂聲

無射生姑洗

卽古之南呂生姑洗

姑洗生半黃鍾

卽古之應鍾聲

半黃鍾生蕤賓

卽古之應鍾生蕤賓

大呂生南呂

卽古之夷則聲

南呂生夾鍾

即古之夷則生夾鍾

夾鍾生應鍾

即古之無射聲

應鍾生仲呂

即古之無射生仲呂

仲呂生半大呂

即古之半黃鍾聲

半大呂生林鍾

即古之黃鍾生林鍾

說長白山

長白山我

大清發祥之地在漢元菟郡境非塞外地也漢書地理志元菟郡西蓋馬縣馬訾水西北入鹽難水西南至西安平入海案馬訾水今鴨綠江也鹽難水今佟家江也鴨綠江源出長白山是長白山乃漢西蓋馬縣境之山也漢志於近塞之水源出塞外者必著之

如遼東郡望平大遼水出塞外番汗沛水出塞外是也

馬訾水不云出塞外則

水源在塞內卽長白山在塞內明矣或曰長白山繚互數百里
鴨綠江出其南麓其山北亦漢地乎曰山北蓋漢上殷台縣地
也漢志元菟郡三縣一高句驪一上殷台一西蓋馬上殷台雖
無山水可考然排比鉤稽而知其當在西蓋馬之北高句驪之
東其地爲長白山之北也何以明之漢志云高句驪遼山遼水
所出西南至遼隊入大遼水案遼山今興京英額門外長嶺也
遼水今渾河也渾河與佟家江相去僅百餘里則漢高句驪西
蓋馬二縣接界其間不得復容上殷台一縣也志又云高句驪
又有南蘇水西北經塞外案南蘇水今赫爾蘇河也

禮所著地理志冰道圖說

志言此水經塞外則漢高句驪縣之北卽塞外上

此水禮所考定詳見

殷台不得在高句驪北境也志又云遼東郡望平大遼水出塞
外南至安市入海遼陽大梁水西南至遼陽

當作遼隊入遼案大遼

水今潢河也在渾河西百餘里大梁水今太子河也在渾河南
百餘里是漢高句驪縣西與望平縣接界南與遼陽縣接界皆
遼東郡境非元菟郡境上殷台又不得在高句驪之西境南境
也太子河之源在佟家江西百餘里又志云遼東郡番汗沛水
出塞外西南入海案沛水今朝鮮國大定江也此水亦遼所考
定詳見地理志
水道圖說在鴨綠江南百餘里是漢西蓋馬縣西與遼陽縣接界南
與番汗縣接界亦皆遼東郡境非元菟郡境上殷台又不得在
西蓋馬之西境南境也然則上殷台既不在高句驪西蓋馬二
縣之間又不在高句驪之北之西之南又不在西蓋馬之西之
南必在高句驪之東西蓋馬之東之北其地爲長白山之北無
疑也漢上殷台縣或爲今吉林或爲今甯
古塔但漢志不載水道故無以定之長白山南爲漢西蓋
馬縣北爲漢上殷台縣是

大清發祥之地乃漢西蓋馬上殷台二縣地也又案續漢書郡國志元菟郡六城其高句驪西蓋馬上殷台三縣與前志同晉書地理志元菟郡乃無西蓋馬上殷台二縣是二縣自晉始失之然此猶幽薊十六州白石晉失之而其地固唐時郡縣也禮因考兩漢地理知

大清發祥長白山本兩漢郡縣之地爰敬謹考證而爲之說并爲圖以明之

南古塔

吉林

興上股台
縣當在長
白山之元
鴻屬元荒
鄉

長白山

漢西蓋
馬縣地
屬元荒
鄉


鴨綠江
漢屬警水

漢西蓋
縣屬元荒
鄉
漢屬警水

漢西蓋

朝鮮大定江
漢屬警水





廣州音說

廣州方音合於隋唐韻書切語為他方所不及者約有數端余

廣州人也請略言之平上去入四聲各有一清一濁他方之音

多不能分上去入之清濁如平聲豈廣韻於容餘封切一清一濁

處處能分上聲擁於隴勇余隴切去聲雍此雍州之用余頌切入聲

郁於六育余六切亦皆一清一濁則多不能分者福建入能分去入清濁而上聲

清濁則而廣音四聲皆分清濁截然不溷其善一也上聲之濁

音他方多誤讀為去聲惟廣音不誤如棒講似市特止六佇墅拒

八柱九倍殆怠十五旱二十踐抱三十婦舅四十有斂五十

等字是也又如孝弟之弟去聲十二兄弟之弟上聲濁音十二

鄭重之重去聲三輕重之重上聲濁音二他方則兄弟之弟輕

重之重亦皆去聲無所分別惟廣音不溷其善二也李登書文音義便考

私竊云弟子之弟上聲孝弟之弟去聲輕重之重上聲鄭重之重去聲愚積疑有年遇四方之人亦甚夥矣曾有呼弟重等字爲上聲者乎未有也案李登蓋未遇廣州之人而審其音耳 侵覃談鹽添咸銜嚴凡九韻皆

合唇音

上去入聲倣此

他方多誤讀與眞諄臻文殷元魂痕寒桓刪山

先仙十四韻無別如侵讀若親覃談讀若壇鹽讀若延添讀若

天咸銜讀若閑嚴讀若妍

御定曲譜於侵覃諸韻之字皆加圈於字旁以識之正以此諸韻字人

皆誤讀也

廣音則此諸韻皆合唇與眞諄諸韻不溷其善三也

廣音亦有

數字誤讀者如凡范梵乏等字亦不合唇然但數字耳不似他方字字皆誤也

庚耕清青諸韻合口呼

之字他方多誤讀爲東冬韻如觥讀若公瓊讀若窮榮榮榮並

讀若容兄讀若凶轟讀若烘廣音則皆庚青韻其善四也廣韻

每卷後有新添類隔今更音和切如睂武悲切改爲目悲切絲

武廷切改爲名廷切此因字母有明微二母之不同而陸法言

切韻孫愐唐韻則不分故改之耳然字母出於唐季而盛行於

宋代不合隋及唐初之音也廣音則明徹二母不分武悲正切
倉字武延正切縣字此直超越乎唐季宋代之音而上合乎切
韻唐韻其善五也五者之中又以四聲皆分清濁爲最善蓋能
分四聲清濁然後能讀古書切語而識其音也切語古法上一
字定清濁而不論四聲下一字定四聲而不論清濁若不能分
上去入之清濁則遇切語上一字上去入聲者不知其爲清音
爲濁音矣如東德紅切不知德字清音必疑德紅切未善矣魚語居切不知語字濁音必疑語居切未善矣自明以來韻書多改古切語者以此故也廣音四聲皆分清濁故讀古書切語瞭然無

疑也余考古韻書切語有年而知廣州方音之善故特舉而論
之非自私其鄉也他方之人宦游廣州者甚多能爲廣州語者
亦不少試取古韻書切語核之則知余言之不謬也朱子云四
方聲音多訛卻是廣中人說得聲音尙好

語類一百三十八

此論自朱

子發之又非余今日之創論也至廣中人聲音之所以善者蓋千餘年來中原之人徙居廣中今之廣音實隋唐時中原之音故以隋唐韻書切語核之而密合如此也請以質之海內審音者

書字說

凡書字用右手故其勢向左自蒼頡以來已然矣象形之文蒼頡所製如大字象正視形八字則象左側形半羊象正視形馬象則象左側形而無象右側形者諧聲之字左形右聲者多右形左聲者少皆由先左後右故也篆變爲隸則偏於左如大字由中貫左之字左昂右低反之則不成字且篆書用筆始末皆圓可以左右反而觀之隸書筆鋒始藏而末放左右不同尤與篆異矣至於眞書草書則落筆必偏而露鋒譬之畫人古文篆

文有正面者有側於面左者隸書真書草書則皆側左而真草尤側其精神皆向左而背右此無他右手作字勢必如是也試以左手作字則不如是矣黃涪翁論書言自左而右之筆宜先自右而左此乃於真草中用篆法涪翁嘗言作真行當看古篆段茂堂論書力持中鋒之說獨謂點不可中鋒中鋒則成墨團點之筆鋒必偏向前左以右手點之故向然凡寫字落筆皆起左也手在面前故向前也此自然之勢也於點然後引而長之點不可中鋒則是始偏鋒而後中鋒耳鍾繇變隸書爲真書其變處正在落筆偏鋒實則漢人章草已如此鍾繇用章草之筆以作隸書遂成真書也自鍾繇真書之後至今不復變以便於右手落筆故也

說佛

余讀南齊書顧歡夷夏論曰佛是破惡之方破惡則勇猛爲貴

吾於是知佛之說焉蓋佛者勇猛之至也吾聖賢之書曰無故不殺此飲食之道也佛慮人之不能然也於是不肉食焉人學之而不能至則雖肉食而不敢濫殺然而合於飲食之道矣吾聖賢之書曰樂而不淫此男女之道也佛慮人之不能然也於是不婚配焉人學之而不能至則雖婚配而不敢縱慾然而合於男女之道矣吾聖賢之書曰殺身成仁舍生取義此死生之道也佛慮人之不能然也於是無故而捐其首割其肉焉人學之而不能至則於其當死而不敢愛死然而合於死生之道矣夫人之情甘食悅色愛生惡死佛亦豈有異焉而獨矯其情爲人所不能爲絕人所不能絕故曰猛也且佛非不知人之不能學也亦未嘗必欲人之學之也使人人學之則人類死絕佛願物之生必不願人之死絕明矣以爲使人與物各安其生則我

自甘於死絕焉耳故曰猛也是故聖賢所以爲聖賢以其能爲
人人所可學也佛所以爲佛以其能爲人人所不可學也故聖
人之道曰中庸佛之道曰勇猛

二程遺書入關語錄有云釋氏自己不爲君臣父子夫婦之
道而謂他人不能如是容人爲之而已不爲別做一等人若
以此率人是絕類也竊歎先賢先得我心矣

自記